

ԼԻԲԱՆԱՆԻ ՊԱՏԱՍԽԱՆԸ ԳՈՀԱՑՈՒՑԻՉ ՊԻՏԻ ԸԼԼԱ՞Յ

Զուլեյթի արտաքին գործերու նախարար Ահմատ Նասեր ալ Մոհամմետ Ալ Մուլպահ յայտնեց, որ լիբանանեան կողմէն ստացած Է Շոնի արաբական երկիրներու առաջարկներուն Պէյրութի պաշտօնական պատասխանը: Շնորհակալութիւն յայտնելով լիբանանեան իշխանութիւններուն



համագործակցութեան համար, Զուլեյթի նախարարը դիտել տուաւ, որ Շոնի արաբական երկիրները այժմ պիտի ուսումնասիրեն լիբանանեան պատասխանը, անոր հիման վրայ առնելով անհրաժեշտ քայլերը: Նշենք, որ Շոնի արաբական երկիրները Զուլեյթի նախարարին միջոցաւ լիբանանեան իշխանութիւններուն ներկայացուցին 15 կէտերէ բաղկացած առաջարկներու փաթեթ մը՝ անոր հիման վրայ բնականօրէն իր համար երկկողմանի յարաբերութիւնները եւ շարունակելու առկախուած համագործակցութիւնը:

Նշենք, որ Լիբանանի արտաքին գործերու նախարար Ապտալլա Պու Ռապիա իր Զուլեյթի պաշտօնակիցին



յանձնեց արաբական առաջարկներուն Լիբանանի պատասխանները, ինչպէս նաեւ հանրապետութեան նախագահ Միշէլ Աունի նամակը՝ Զուլեյթի իշխանին: Նախարարը Զուլեյթի մէջ տեսակցեցաւ նաեւ իր եգիպտացի պաշտօնակիցին հետ, քննարկելու համար Լիբանանին աջակցելու միջոցները:

Կը կարծուի, թէ արաբական առաջարկները կը ներառեն շրջանի խնդիրներէն Լիբանանը ազատ կացուցելու եւ ճգնաժամային արտաքին միջամտութիւնները կանխելու պայմաններ, ինչպէս նաեւ ՄԱԿ-ի 1559 բանաձեռի գործադրութիւն, որ կը նախատեսէ միլիսներու ապագիւնումը: Նաեւ կը կարծուի, թէ Լիբանան պատրաստակամութիւն յայտնած է շարունակելու համագործակցութիւնը Շոնի արաբական երկիրներուն հետ, սակայն յստակ պատաս-



խան չէ տուած ճգնաժամային վերաբերող կէտերուն: Այս ծիրին մէջ, մարտին ներքին կարտիսնալ Պըշարա Ռահի պատրիարքը շեշտեց, որ պատասխանատուները իրաւունք չունին մերժելու Լիբանանին օգնութիւն տրամադրող առաջարկները եւ արդարացնելու երկրին մէջ զենք կրելու իրաւունքի բազմազանութիւնը: Ռահի նաեւ յայտնեց, որ իրենք անակնկալի եկած են քաղաքական գործունեութիւնը առկախելու վերաբերեալ նախկին վարչապետ Սաատ Յարիրիի որոշումով:

ԿԱՌԱՅՈՒԹԻՒՆ ԸՆՏՐՈՒԹԻՒՆՆԵՐՈՒՆ

Ճգնաժամային ընդհանուր քարտուղարի տեղակալ շէյխ Նայիմ Զասէմ կառչածութիւն յայտնեց մայիսեան խորհրդարանական ընտրութիւններու կայացումին՝ առանց որեւէ յետաձգումի: Զասէմ նաեւ բուռն յարձակում գործեց Լիբանանեան ուժեր կուսակցութեան վրայ եւ նշեց, որ այդ կուսակցութիւնը առաջ չէ ներկայացնելու պետականութիւն կառուցող ժողովրդային գաղափար: Իսկ Լիբանանեան ուժեր կուսակցութեան նախագահ Սամիր Ժաաժա ընտրական հաւաքի մը ընթացքին յայտարարեց, որ խորհրդարանական ընտրութիւնը լաւ առիթ մըն է փոխելու այժմու մեծամասնութիւնը:

ՆՈՐ ՏՈՒՐԵՐ ԶԿԱՆ

Կրթութեան եւ բարձրագոյն ուսումի նախարար Ապտա Յալապի կառավարութեան երեկուայ նիստէն ետք



յայտնեց, որ պետական ամսականի բոլոր մանրամասնութիւնները տակաւին ենթակայ են քննարկումի: Ըստ Յալապիի, նախարարները կը մերժեն նիւթական յաւելեալ բեռ պատճառել քաղաքայիններուն:

Իսկ աշխատանքի նախարար Մուսթաֆա Պէյրամ յայտնեց, որ կառավարութիւնը կը մտադրէ պետական ամսականին մէջ խուսափիլ քաղաքայիններուն վրայ նոր տուրքերու պարտադրումի: Ըստ նախարարին, պետական ամսականի նախագիծի քննարկումները ցարդ այդ ուղղութեամբ կ'ընթանան:

ԲՈՂՈՔԻ ԲԱՐԱԶԱՑԻՎԱԿԱՆ ԱՐԵԱՒ



Համացանցի ընկերային հաղորդակցութեան էջերուն վրայ երեկ սկսաւ տարածուիլ քաղաքայիններուն ուղղուած կոչ մը՝ մասնակցելու սպառողական նիւթերու սակագիները նուազեցնելու ուղղութեամբ արշաւի: Կոչը քաղաքայիններէն կը պահանջէ կարելիութեան պայմաններու

(Ծար.ը տեսնել 2րդ էջ)

ԱՐՅԵՍՏԻՑ ԴԱՍԵՐՈՒ ՎԵՐՍԿԱՌՈՒ

Երկար դատադուլէ ետք, Արիեստից վարժարաններու ուսուցիչներու համախմբումը երէկ յայտարարեց, որ այսօր պիտի վերսկսին դասաւանդութիւնները եւ դատադուլը կ'առկախուի մինչեւ առնուազն Փետրուարի աւարտը, պատասխանատուներուն առիթ տալով գտնելու անհրաժեշտ լուծումները:

ՆԱԽԱԳԱՀԻ ՊԱՇՏՈՆԸ ԱՅՍՕՐ ԿԸ ՄԵԱՅ ԹԱՓՈՒՐ

Այսօր պաշտօնապէս ի գօրու կը դառնայ հանրապետութեան նախագահ Արմէն Սարգսեանի հրաժարականը: Սարգսեան մինչեւ երէկ գիշեր Ազգային ժողովին դիմում չէր ներկայացուցած՝ հրաժարականը յետո կոչելու մասին, հետեւաբար անոր նախագահական լիազօրութիւնները կը դադրին այսօր: Սարգսեան պաշտօնէն հրաժարելու



դիմում ներկայացուցած էր անցեալ Կիրակի օր, 23 Յունւարին, նշելով որ նախագահը չունի անհրաժեշտ գործիքներ եւ իրաւասութիւններ՝ երկրին ու ազգին համար այս բարդ օրերուն ազդելու ներքին ու արտաքին քաղաքականութեան կարելու հողովոյթներուն վրայ: Նշենք, որ Արմէն Սարգսեան որպէս նախագահ պաշտօնավարած է գրեթէ չորս տարի:

Հայաստանի սահմանադրական կարգերուն համաձայն, նախագահին լիազօրութիւնները ժամանակաւորապէս պիտի ստանձնէ Ազգային ժողովի նախագահ Ալէն Սիմոնեանը, որուն խորհրդարանին մէջ պիտի փոխարինէ այն փոխնախագահը, որ ստացած է մեծագոյն թիւով քուէները, այս պարագային՝ Յակոբ Արշակեանը: Սահմանադրութիւնը նաեւ կը ճշդէ, որ նոր նախագահի արտակարգ ընտրութիւնը պէտք է կայանայ նախագահի պաշտօնը թափուր մնալէն առնուազն 25 եւ առաւելագոյնը 35 օր ետք: Անցնող օրերուն տարածուեցան ոչ-պաշտօնական լուրեր այն մասին, որ խորհրդարանական մեծամասնութիւնը կը մտադրէ նախագահի պաշտօնին առաջադրել կրթութեան, գիտութեան, մշակոյթի եւ մարմնակրթութեան նախկին նախարար, վարչապետի աշխատակազմին ղեկավար Արայիկ Յարութիւնեանի թեկնածութիւնը: Իսկ ընդդիմութիւնը մինչեւ երէկ ոչինչ յայտարարած էր նախագահական թեկնածու առաջադրելու մասին:

(Ծար.ը տեսնել 2րդ էջ)

ՏԱՐԱԾԱՇՐՋԱՆԱՅԻՆ ՄԻԱՅՆԱԼ ԴԻՐՔՈՐՈՇՈՒՄ

Արաբական Միացեալ Էմիրութիւններու Ապու Տապի Էմիրութեան գահաժառանգ իշխան, Չիւնուած ուժերու գերագոյն հրամանատարի տեղակալ Մոհամմատ պըն Չալետ ալ Նահիան երէկ ընդունեց Իսրայէլի նախագահ Իսահակ Յերցոկը, որուն հետ քննարկեց երկկողմանի յարաբերութիւններն ու տարածաշրջանային զարգացումները: Էմիրաթի իշխանը շեշտեց զանազան ոլորտներու մէջ Էմիրաթական-Իսրայէլեան կապերը զարգացնելու կարե-



ւորութիւնը, կեդրոնականով առետրային, առողջապահական, արհեստագիտական ոլորտներուն վրայ: Ան նշեց, որ վերջերս յարաբերութիւններու բնականօրէն պայմանագիր կնքած երկու երկիրները նոյն դիրքորոշումը ունին ընդդէմ միլիսներուն եւ ահաբեկչական կազմակերպութիւններուն: Իշխանն ու նախագահը նաեւ շեշտեցին Միջին Արեւելքի մէջ ամբողջական լուծումներու կարելուութիւնը՝ հասնելու համար վերջնական խաղաղութեան: Իսրայէլեան կողմը յայտարարեց, որ նախագահին օղակալը Ապու Տապի հասած է սաւառնելով սեւտական օդային տարածքէն:

ԴԵՊԻ ԴԱՍԱՍԿՈՍ

Սուրիոյ Արտաքին գործերու նախարարութենէն յայտարարուեցաւ, որ Օմանի արտաքին գործերու նախարար Պէտր պըն Յամատ Պու Սայիտի այսօր պաշտօնական այցելութեամբ պիտի ժամանէ Դամասկոս, ուր պիտի տեսակցին Սուրիոյ նախագահ Պաշշար Ասատի, արտաքին գործերու նախարար Ֆայսալ Մըքտէրի եւ այլ պատասխանատուներու հետ՝ քննարկելու համար երկկողմանի յարաբերութիւնները եւ համատեղ հետաքրքրութիւններ կայացնող հարցերը: Նշենք, որ նոյնիսկ Սուրիոյ հակա-



մարտութեան ծանրագոյն օրերուն, Օման համեմատական չեզոքութիւն պահպանած էր հակամարտող բոլոր կողմերէն, ներկայացնելով լուծումի առաջարկներ:

ՊԱՏԵՐԱԶՄԻ ՄՏԱԴՐՈՒԹԻՒՆ ԶԿԱՅ

ՆԱԹՕ-ի ընդհանուր քարտուղար Ենս Սթոլթենսը յայտնեց, որ կազմակերպութիւնը մտադրութիւն չունի Ուքրանիոյ մէջ տեղադրելու մարտական ուժեր, այլ կը



կեդրոնական Զինեի իշխանութիւններուն անհրաժեշտ օժանդակութիւնը տրամադրելու վրայ: Ընդհանուր քարտուղարը յիշեցուց, որ Ուքրանիա կազմակերպութեան անդամներէն է:

Իսկ Ռուսիոյ Անվտանգութեան խորհուրդի քարտուղար Նիքոլայ Փաթրուշեւ յայտնեց, որ Մոսկուա կարիք չունի եւ չ'ուզէր պատերազմիլ Ուքրանիոյ հետ: Անոր համաձայն, Արեւմուտքն է ռուս-ուքրանական պատերազմ հրահրողը՝ իր սեփական շահերուն համար:

ՎԱՏԻԿԱՆԻ ՄԵԶ ԼԻԲԱՆԱՆԻ ԴԵՍՊԱՆԸ ԱՅՑԵԼԵՑ Ն.Ս.Օ.Տ.Տ. ԱՐԱՄ Ա. ԿԱԹՈՂԻԿՈՍԻՆ

Շաբաթ, 29 Յունուար 2022-ին, Ն.Ս.Օ.Տ.Տ. Արամ Ա. Վեհափառ Հայրապետին այցելեց Վատիկանի մեջ Լիբանան-ի դեսպան Դոկտ. Ֆարիտ Էլ Խազէն: Դեսպանը Նորին



Սրբութեան պարզեց Վատիկանի կատարած աշխատանքները Լիբանանի առնչութեամբ, յատկապէս 1 Յուլիս 2021-ին Վատիկանի մեջ կայացած Լիբանանի քրիստոնէայ հոգեւոր պետերու հանդիպումէն ետք:

Հանդիպման ընթացքին քննարկումի նիւթ դարձան Լիբանանի ներկայ կացութեան առնչուած շարք մը հարցեր:

Յայտնենք, որ յառաջիկայ օրերուն Վատիկանի արտաքին գործերու նախարար կարտիսալ Գալակար պիտի այցելէ Լիբանան:

ԼԻԲԱՆԱՆԻ ՊԱՏԱՍԽԱՆԸ ԳՈՀԱՅՈՒՑԻՉ ՊԻՏԻ ԸԼԼԱ՞Յ

(Շարունակուած Ա. էջէն)

մէջ այս շաբաթ չգնել սննդանիւթ՝ մասնաւորաբար մսեղէն, որպէսզի վաճառականները ստիպուին նուազեցնելու գիները, նկատի առնելով տոլարի փոխարժեքին նուազումը: Արշաւը կազմակերպող քաղաքայինները կը յիշեցնեն, որ վաճառատուներուն մէջ սննդամթերքի եւ սպառողական այլ նիւթերու գիները չեն նուազած, թէեւ ամերիկեան տոլարի փոխարժեքը զգալիօրէն նահանջած է անցնող երկու շաբաթներուն: Կոչը կը վստահեցնէ, որ վաճառականները պիտի ստիպուին նուազեցնելու գիները, թէեւ քաղաքայինները միասնաբար պոյքոյթի ենթարկեն շուկաները եւ պահանջեն արդար սակագրում:

ՄՍԵՅԼՅԱՆ ԼԵՅՆԵԼՈՒ ՓՈՐՁ

Ուժանիւթի եւ ջուրի հարցերու նախարարութիւնը յայտարարեց, որ այսօր պիտի հրապարակէ ելեկտրածին սարքերու ծառայութեան անցեալ ամսուայ վճարումի սա-



կագինը, որ նախորդ ամսուայ հետ բաղդատած պիտի ըլլայ աւելի բարձր: Իսկ ուժանիւթի նախարար Ուալիտ Ֆայատի գրասենեակը հաղորդեց, որ նախարարը իր ցուցմունքները տուած է՝ սկսելու հիւսիսային Մսէլիա ամբարտակի աւագանը լեցնելու աշխատանքը: Նշենք, որ աւագանը լեցնելու հոլովոյթը անցեալ տարի դիմագրաւած էր կարգ մը թեքնիք խնդիրներ:

ՈՒՍԲԻ ՊԱՅԹՈՒՄ

Ապահովական ուժերը երեկ յայտարարեցին, որ խրաշէտէն յարձակումի օրերէն մնացած ռումբ մը պայթեցաւ



հարաւային Զուժէյր հովիտի արգելոցին մէջ, մարդու մը մօտ որ փայտ կը հաւաքէր անտառէն: Ըստ յայտարարութեան, անձը հրաշքով փրկուած է ռումբի պայթումէն: Նշենք, որ հակառակ տեղական եւ միջազգային կազմակերպութիւններու ջանքերուն, Լիբանանի հարաւային շրջաններուն մէջ տակաւին կան խարայէտան օրերէն մնացած հազարավոր ականներ եւ պայթեած ռումբեր, որոնք յաճախ կը վտանգեն քաղաքայիններուն՝ մասնաւորաբար երեխաներուն կեանքը:

ՆԱԽԱԳԱՀԻ ՊԱՇՏՈՆԸ ԱՅՍՕՐ ԿԸ ՄԼԱՅ ԹԱՓՈՒՐ

(Շարունակուած Ա. էջէն)

ՍԱՀՄԱՆԱՅԻՆ ԿՐԱԿՈՑՆԵՐ

Հայաստանի հիւսիսարեւելեան Տաւուշ գաւառի սահմանամերձ Զինարի գիւղին մէջ անցնող օրերուն վերստին լսուեցան կրակոցներու ձայներ: Գիւղապետ Սամուէլ Սոդոյեան նշեց, որ անցնող օրերուն հակառակորդը կրակած



Է գիւղը պաշտպանող հայկական դիրքերուն ուղղութեամբ, սակայն ինքնին գիւղը թիրախ չէ դարձած: Զինարիի բնակիչները նշեցին, որ վարժուած են այս վիճակին եւ կրակոցներէն չեն վախնար: «Եթէ պահ մը չկրակեն՝ կ'անհանգըստանանք, մտածելով որ անբնական իրավիճակ կը տիրէ», ըսաւ գիւղապետը, շեշտելով ատրպէյճանական կրակոցներու յաճախականութիւնը:

Իսկ Հայաստանի Պաշտպանութեան նախարարութիւնը հաղորդեց, որ հակառակորդը Տաւուշ գաւառի սահմանային բնակավայրերուն եւ դիրքերուն ուղղութեամբ կրակ բացած է 27 Յունուարի գիշերուայ ժամերուն, սակայն հայկական կողմը չէ պատասխանած, որովհետեւ կրակոցները եղած են անկանոն:

ԲՈՆԱԳՐԱՒԵԱԼ ՀՈՂԵՐՈՒ ՕՐԻՆԱԳԻԾ

Արցախի Հանրապետութեան Ազգային Ժողովին մէջ ներկայացուած հինգ խմբաւորումներ մշակեցին Արցախի բռնագրաւեալ տարածքներուն մասին օրէնքի նախագիծ մը, որ 2 Փետրուարին պիտի ներկայացուի առաջին ըն-



թերցումի: Ըստ երեսփոխաններուն, օրինագիծին հիմնական միտքը այն է, որ Արցախի բռնագրաւեալ տարածքներուն մէջ միջազգային որեւէ կառոյց կամ ընկերութիւն իրաւունք չունի աշխատանքներ կատարելու՝ առանց հայկական կողմին հետ համաձայնելու: «Այլապէս, եթէ հետագային խնդիրներ յառաջանան, այդ ընկերութիւնները իրաւունք չունին Ստեփանակերտի իշխանութիւններէն փոխհատուցում պահանջելու: Օրինագիծը նաեւ կը շեշտէ, որ Արցախէն հողեր գրաւուած են ոչ միայն 2020 թուականին, այլ՝ դարաբաղեան առաջին պատերազմի օրերուն, մասնաւորաբար՝ Շահումեանը, Մարտակերտի եւ Մարտունիի շարք մը բնակավայրեր:

ՏՈՒՊԱՅԻ ՄԵԶ ՀԱՅԱՍՏԱՆԻ ՕՐ

Տուգայի մէջ երեկ կարեւոր օր էր Հայաստանի համար: Էմիրութեան «Expo-2020» միջազգային ծանօթ ցուցահանդէսին ընթացքին երեկ նշուեցաւ Հայաստանի ազգային օրը: Հայաստանի տնտեսութեան նախարար Վահան Զե-



րորեան համացանցային գրառումներու մէջ նշեց, թէ օրը սկսաւ Հայաստանի քայլերգով եւ դրօշի բաձրացումով, որմէ ետք պաշտօնական խօսք արտասանած է նախարարը եւ կարեւորած՝ համաշխարհային գիտութեան, մշակոյթի եւ արհեստագիտութեան զարգացումին մէջ հայ գիտնականներու եւ նորարարներու անգնահատելի ներդրումը՝ ներկայացնելով նորարարութիւններ, որոնք բեկումնային եղած են մարդկութեան յառաջընթացին համար: «Ընդգծեցի Հայաստանի գործարար եւ ներդրումային միջավայրին գրաւչութիւնը, առանձնացուցի յատկապէս տնտեսութեան այն ոլորտները, որոնք առաւել գրաւիչ են օտարերկրեայ ներդրողներուն համար», ըսաւ նախարար Զրորբեան: Անոր խօսքով, նման մեծ ցուցահանդէսներու Հայաստանի մասնակցութիւնը կարեւոր է երկրի ճանաչելիութեան բարձրացումի, նոր համագործակցութիւններու հաստատումի եւ դիւանագիտական յարաբերութիւններու ամրապնդումի տեսանկիւնէն:

ՍՈՑԻԱԼԻԶՄ

Յաճախ մարդիկ շատ սխալ պատկերացում ունեն եւ շփոթում են Սոցիալիզմի մի տեսակը միւսի հետ, սոցիալիզմը ընդհանուր միաւորող տերմինն է, բայց այն մէկ կատեգորիայի եւ մէկ տարբերակի չէ, նոյնիսկ մի քանի ծախ թելերի յառաջդիմականներ այնքան յաճախ շփոթում են սոցիալիզմի իրենց տարբերակը:

Օրինակ՝ ԱՄՆ-ի ընտրութիւններում Անկախ/դեմոկրատ թեկնածու սենատոր Պերնի Սանտերզը հարցին՝ արդեօք նա սոցիալիստ է, նա պատասխանեց, որ ինքը դեմոկրատ սոցիալիստ է:

Պերնի Սանտերզը դեմոկրատ սոցիալիստ չէ. նա սոցիալ-դեմոկրատ է: Բայց սպասեք, մենք առաջ ենք անցնում յօդուածի թեմայից

Սկզբում սոցիալիստական շարժումների մեծ մասը օգտագործում էին սոցիալ-դեմոկրատ տերմինը, նոյնիսկ Ռուսաստանի կոմունիստական կուսակցութիւնը անուանում էր սոցիալ-դեմոկրատական կուսակցութիւն, ապա սոցիալ դեմոկրատ պոլ-շէիկեան կուսակցութիւն (ՌՍԲԿ), յետոյ ՌՍ Բանուորական կուսակցութիւն, ամենավերջում պաշտօնապէս կոչուեց Ռուսաստանի Կոմունիստական Կուսակցութիւն (ՌԿԿ)

Կարճ ասած, կան սոցիալիզմի, սոցիալ-դեմոկրատիայի, դեմոկրատական սոցիալիզմի եւ կոմունիզմի հիմնական երեք տարբերակները, կան նաեւ մի քանի այլ տարբերակներ:

Այսպիսով, ի՞նչ է յառաջդիմական, ի՞նչ է սոցիալ-դեմոկրատիան, ի՞նչ է դեմոկրատական սոցիալիզմը, ի՞նչ է կոմունիզմը:

Սոցիալ-դեմոկրատները երեքից ամենաչափաւորն են, նրանք յառաջդիմական են, կոչ են անում շատ բարելաւումներ կատարել կապիտալիստական ազատ շուկայական ազատական համակարգում, բայց երբեք չեն առաջարկում, որ տնտեսական համակարգը հեռանայ ազատ շուկայական համակարգից, նրանք առաջարկում են բարեփոխումներ, շատ աւելի արդար ազատական համակարգ, բարեփոխումներ՝ ինչպիսիք են աւելի լաւ աշխատավարձերը, աւելի կարճ աշխատանքային ժամերը, աւելի շատ արձակուրդներ, անվճար բժշկական օգնութիւն, անվճար կրթութիւն...

Դեմոկրատ սոցիալիստները կոչ են անում խաղաղ անցում կատարել սոցիալիստական տնտեսական համակարգին, ժողովրդավարական գործընթացի միջոցով, ընտրութիւնների եւ քուէաթերթիկների միջոցով, նրանք ասում են, որ սոցիալիզմը չի կարող պարտադրուել, այլ ընդունել միայն ազատ կամքի միջոցով: Դեմոկրատ սոցիալիստները կարծում են, որ սոցիալիզմն ու ժողովրդավարութիւնը անբաժանելի են եւ մէկը չի կարող գոյութիւն ունենալ առանց միւսի: Ես կը ցանկանայի ինձ համարել Դեմոկրատական սոցիալիստական դպրոցի աշակերտ:

Երրորդ դպրոցը կոմունիստական դպրոցն է, որը հաւատում է դասակարգերի բախմանը, դասակարգային պայքարին, պրոլետարիայի դիկտատուրան, բանուոր դասակարգի դիկտատուրային արտայայտման եւ կրօնի, ազգային ինքնութեան արժեքների....

Սոցիալական տնտեսական մակարդակում դրանք հիմնականում երեք կատեգորիաներ են, բայց այն ունի նաեւ մի քանի այլ տարբերակներ:

Այդպիսի տարբերակներից մէկը քրիստոնէական սոցիալիզմն է: Այս դպրոցը ենթադրում է, որ քրիստոնէութիւնն ունի բազմաթիւ ուսմունքներ, որոնք պաշտպանում են սոցիալական արդարութիւնը, նրանք օգտագործում են քրիստոնէական Աւետարանի շատ հատուածներ, որոնք պաշտպանում են հարստութիւնների եւ բարիքների հաւասար բաժինը եւ պաշտպանում են աւելի արդար մարդասիրական տնտեսական սոցիալական կարգավիճակը:

Ինչ վերաբերում է այլ մօտեցումներին, ապա կայ երեք հիմնական տարբերակ՝ ինտերնացիոնալ սոցիալիզմ, նացիոնալ սոցիալիզմ, հայրենասիրական սոցիալիզմ, այս հասկացութիւնների խառնուրդ:

Հիմնականում կոմունիստական դպրոցը պաշտպանում էր մաքուր ինտերնացիոնալիզմը եւ տեսնում էր հակադրութիւն ազգային/հայրենասիրական արժեքների պահպանման եւ սոցիալիզմի միջեւ, նրանք ցանկացած հայրենասիրական մօտեցում համարեցին դաւաճանութիւն բանուոր դասակարգի գործին եւ յաճախ նկարագրեցին ցանկացած հայրենասիրական եւ/կամ ազգային շարժում որպէս ծայրայեղ ազգայնական, անկախ սոցիալիզմի աստիճանից, որը կրում էր հայրենասիրական կուսակցական գաղափարախօսութիւնը:

Այդպիսի օրինակ է հայոց պատմութեան մէջ. 1905 թուականին Սոցիալ-դեմոկրատ հնչակեան կուսակցութեան գերագոյն գումարին նրանք առաջարկ էին ստացել Ռուսաստանի կոմունիստական կուսակցութիւնից (սոցիալ դեմոկրատ բոլշէիկեան կուսակցութիւն) միաւորուելու, բայց կոմունիստները պահանջում էին, որ հնչակեանները հրաժարուեն ազգային-ազատագրական պայքարից Արեւմտեան Հայաստանի ներսում: Եւ կենտրոնանալով բացառապէս եւ ամբողջութեամբ աշխատաւոր դասակարգի պայքարի վրայ, հնչակները հրաժարուեցին եւ պնդեցին, որ իրենք առաջնահերթութիւն են տալու ազգային-ազատագրական պայքարին (Աղբիւր՝ ընկեր Եղիա Ճերեճեան, Հնչակեան կուսակցութեան երկարամեայ ղեկավար եւ Լիբանանի խորհրդարանի նախկին անդամ, Լիբանանի Վարիչ մարմինի նախկին ատենապետ, Կեդրոնականի նախկին անդամ):

Միւս դպրոցը հայրենասեր սոցիալիստներն են, ովքեր եւ սոցիալիստական պայքարին են հաւատում, եւ հայրենասիրական նուիրաճութեանը հայրենիքին:

ԴԵՏՐՈՍ ՄԱՆՈՒԿԵԱՆ


(Շաբ. ր տեսնել 4րդ էջ)



«Արարատ» օրաթերթը այս յօդուածաշարքով պարբերաբար լոյս պիտի ընծայէ «Երեւան. XX դար» յատուկ նախագիծին, որ պիտի ներկայացնէ Երեւանի միջավայրը՝ իր իւրաքանչիւր «հերոս»ով:

ՄԱՆԿԱԿԱՆ ԵՐԿԱԹՈՒՂԻՆ

«Երեւան. XX դար» նախագիծով այսօր կը ներկայացնենք Մանկական երկաթուղիին մասին: Այն «ամենատարեցն է» մեր հերոսներու շարքին. այն բացուած է 1937 թուականին, երբ հարիւր հազարաւոր մարդիկ կը ձերբակալուէին որպէս «ազգի թշնամիներ»: Մանկական երկաթուղին նախաձեռնողը Աղասի Խանճեանն էր, որ չտեսաւ իր մտայղացման իրագործումը. 1936-ի Ապրիլին ան դրաւ առաջին քարը «Փարոս» կայարանի հիմքին, իսկ Յուլիսին սպաննուեցաւ (պաշտօնական վարկածով՝ ինքնասպանութիւն գործեց) Թիֆլիսի մէջ: 1937-ին Նորիլսկ աքսորուեցաւ նաեւ Մանկական երկաթուղիի այգիի գլխաւոր ճարտարապետ Միքայէլ Մազմանեանը...



Կարդալով այս յօդուածը, կ'իմանաք, թէ ինչու Ալեքսանտր Թամանեանը նախատեսած էր Յրագդանի կիրճէն դէպի քաղաք եկող փապուղիները, թէ ինչպէ՛ս պետք է երկաթուղու այգին կապուէր Ծիծեռնակաբերդին հետ եւ ինչու «Սովետական Յայաստան» թերթը կը գրէր, որ ոչ բոլոր կազմակերպութիւնները կ'օժանդակէն մանկական երկաթուղիի կառուցման:

Թամանեան նախատեսած էր, որ մաքուր օդը փապուղիներով պէտք է հասնի կէտրոն

Ալեքսանտր Թամանեանը կը համարէր, որ Յրագդանի կիրճը պէտք է երեւանցիներուն համար ծառայէ որպէս հանգիստի վայր՝ մարդոց գեղեցիկ բնութիւնը եւ մաքուր օդը վայելելու հնարաւորութիւն տալով:

Ան նախատեսած էր երկու փապուղիները, որոնք Յրագդանի կիրճ հասնելու կարճ ճանապարհի կը հանդիսանային եւ որոնց շնորհիւ կիրճի մաքուր օդը կը հասնէր քաղաքի կէտրոն:

1935-ին Միքայէլ Մազմանեանի նախագիծով սկսաւ կառուցուիլ Մանկական երկաթուղիի այգին, որ դարձաւ երեւանցիներու ամենասիրելի վայրերէն մէկը:

Հետագային այգիի մուտքին մօտ տեղադրուեցան աղբիւրներ՝ ԽՅՅՄ-ի հերոսներու անուններով, գետին վրայ կառուցուեցաւ «Հայրենիք» կայարանի շէնքը, ուր կը գտնուէր տոմարակըը:

Երբ գնացքը կը մօտենար կայարանին, ուղեւորներուն, պատուի աննելով, կը դիմաւորէին հերթապահող փիոներները: Այգիին մէջ կային նաեւ խաղահրապարակներ, ծիծաղի սենեակ:

Մանկական երկաթուղի

Պաշտօնապէս բացուած է 6 Յուլիս 1937-ին: Տեղակայուած է Յրագդան կիրճի այգիին մէջ: Երկարութիւնը՝ 2,1 քմ Կանգառները՝ Յայրենիք, Փիոներական եւ մէկ հարթակ՝ Ուրախութիւն: Արիւստական կառոյցներ՝ 45մ երկարութեամբ փապուղի:

Մանկական երկաթուղիի այգիին գլխաւոր ճարտարապետն է Միքայէլ Մազմանեանը:

Կայարանի քարէ շէնքին հեղինակն է ճարտարապետ Գոհար Գրիգորեանը:

Աղասի Խանճեանի մտայղացումը

Մանկական երկաթուղիի կառուցման գաղափարը կը պատկանէր Յայաստանի Կենտկոմի առաջին քարտուղար Աղասի Խանճեանին: 1935-ի Դեկտեմբերին Երեւանի Մանկական երկաթուղիին կառուցումը ԽՅՅՄ-ի պետական ծրագրով ներառուեցաւ: 1936-ին ժողովրդա-տնտեսական ծրագրին մէջ: Յանձնման վերջնական ժամկետն էր 7 Նոյեմբեր 1937, քանի որ այդ օրը պէտք է կշուէր Մեծ Զոկտեմբերեան Յեղափոխութեան քսաներորդ տարեդարձը:

Ռուսական տեղեկատուութեան համաձայն, 22 Ապրիլ 1936-ին Արովեսի անուան քաղաքային այգիին մէջ, Յրագդան գետի ձախ ափին «Փարոս» կայարանի հիմքին Աղասի Խանճեանի կողմէ դրուեցաւ առաջին քարը: Հետագային այն վերանուանուեցաւ «Հայրենիք»:

Մէկ տարուայ ընթացքին շինարարները իրականացուցին հողային աշխատանքներու հսկայական ծաւալ: 2,1 քմ գլխաւոր ճանապարհի երկայնքով կառուցուեցաւ երեք կանգառ՝ Հայրենիք, Ուրախութիւն եւ Փիոներական: Տեղանքի բնական քանդակի պատճառով Հայրենիք կայարանին շէնքը կը գտնուէր անմիջապէս ջրանցքին վերեւը:

Առաջին տարիներուն Մանկական երկաթուղիի կայարանին շէնքը փայտէ էր: 1940-ականներու վերջը անոր փոխարէն տուֆէն կառուցուեցաւ նոր շէնք:

Շինարարներու եռանդին շնորհիւ աշխատանքները աւարտեցան նախատեսուած ժամկետէն 4 ամիս շուտ: 9 Յուլիս 1937-ին առաջին անգամ տեղէն շարժեցաւ Կորոշիլով-կրատի շոգեքարշային գործարանին կողմէ Նուիրուած 159-434 շոգեքարշի եւ երեք մարդատար վակոնները:

1959-ի Մարտին Մանկական երկաթուղին ստացաւ երկու PAFAWAG մետաղական մարդատար վակոն: 1971-ին Երեւանի Մանկական երկաթուղին Նուիրեցին TY2-116 ջերմաքարշը: Այդ պահէն սկսեալ շոգեքարշը դուրս եկաւ օգտագործումէ, ասկայն մինչ օրս կը գտնուի «Հայրենիք» կայարանի տարածքին մէջ:

Պնացքը կ'անցնի այլեւս չգործող «Ուրախութիւն» կայարանի կողքով եւ կը կանգնի «Փիոներական» կայարանին մէջ: Քանի որ այն նոյնպէս չի գործեր, մարդիկ կը մնան իրենց տեղերը եւ գնացքը հետընթաց կը վերադառնայ «Հայ-

րենիք» կայարան:

Ինչպէ՛ս նախագծուած է մանկական եւ հանգիստի զբօսավայրը

Ստորեւ ներկայացուող բացատրագիրը գրուած է Միքայէլ Մազմանեանի կողմէ: Այն տրամադրած է ճարտարապետի թոռնուհին՝ Լիլիթ Տէր Մտինասեանը:

«Չանգուի կանաչազարդ ափին, պազալթի ժայռերու յետնամասին վրայ, կ'որուսագծուի մանկական եւ հանգստի զբօսավայրը:

Գեղատեսիլ տեսքը, արեւահայեաց հարուստ քանդակը, բնական ճոխ տեսարանները, միանգամայն նպաստաւոր են մեր մանուկներուն հանգստավայրը դարձնելու համար այս գողտրիկ անկիւնը:

Ընդհանուր յատակագիծը լուծեով անհրաժեշտ էր գտնել այնպիսի համադրութիւն մը, որ կը բխէր տեղի բնական պայմաններէն, յստակ ստորաբաժանումներ տար զբօսավայրի առանձին մասերուն եւ պարզորոշ գծեր ելումուտը դէպի կարելորագոյն մասերը:

Ամբողջ յատակագիծը կառուցած է երկու իրար հատող ծառուղիներու շուրջ: Անոնցմէ մէկը սկիզբ կ'առնէ հիտրոկայանին մօտէն, այսինքն կը տարածուի հիւսիսէն դէպի հարաւ, իսկ միւսը՝ խճուղիէն, այսինքն արեւելքէն դէպի արեւմուտք: Վերջինս խճուղիի բարձրութենէն աստիճանաձեւ իջուածքով կ'իջնէ դէպի հիմնական հարթավայրը, ուր կը հանդիպի առաջին ծառուղիին: Այս հանդիպման կէտին մէջ կը բացուի ընդարձակ շրջանաձեւ հրապարակ, որու կեդրոնին կը տեղաւորուի խոշոր աւազան, մանուկներու գուարթ շուրջապըր պատկերող քանդակով:


Ապա կը շարունակուի եւ աստիճաններով կ'իջնէ դէպի մանկական երկաթագծի առաջին կայարանը: Նոյն այս կեդրոնական առանցքի շարունակութեամբ կամուրջ պիտի նետուի Չանգուի վրայով աջ ափը անցնելու եւ ապա դէպի Ծիծեռնակաբերդ բարձրանալու համար:

Մանկական զբօսավայրն եւ երկաթուղին «Խորհրդային Յայաստան»

6 Սեպտեմբեր 1937

Մեծ ոգեւորութեամբ մենք անցեալ տարի ձեռնարկեցինք մանկական երկաթուղու շինարարութիւնը:

Կարճ ժամանակամիջոցում Չանգուի ձորում մէկ եւ կիս կիլոմետր տարածութեան վրայ աւարտեցինք գծամասի կառուցումն ոգմարին աշխատանքը: Այնուհետեւ սկսեցինք ռելսերի ամրացումը: Երկաթուղին հիմնականում պատրաստ էր:



Այս տարի վաղ զարնանից մենք սկսեցինք կայարանների շինարարութիւնը: Մանկական երկաթուղին այժմ ունի երեք կայարան, դրանցից առաջին եւ գլխաւոր կայարանի շէնքում տեղաւորուած է պատանի ուղեւորների գեղեցիկ սպասարանի իր ասֆալթապատ հրապարակով, կայարանապետի եւ հերթապահի առանձնասենեակները, հեռագրատունը, առողջապահական սենեակը, դրամարկըը եւ այլն: Նոյն ձեւով կառուցուած է նաեւ երկրորդ կայարանը:

Հաղորդակցութեան ճանապարհների նախկին ժողովմ, մեր սիրելի ընկեր Լ.Ս. Գականովիչի անմիջական օժանդակութեամբ այս տարի Մոսկուայից ստացանք մանկական երկաթուղու շոգեքարշը եւ վակոնները:

Երկաթուղու շինարարութեանը զուգընթաց սկսուեց մանկական պարկի շինարարութիւնը ճարտարապետ Ս. Մազմանեանի նախագծով: Այստեղ գեղեցիկ ծառուղիների մէջ կառուցուած են փիոնրների, գանգան կենդանիների արձաններով զարդարուած ջրի մեծ աւազաններ, շատրուաններ, ինչպէս նաեւ ընթերցարան, պարերի եւ ֆիզկուլտ խաղերի հրապարակ, խաղարան, քիոսքներ, պուֆթթ եւ այլն: Փարքը լիովին ռատիօֆիքացման է ենթարկուած: Փարքից դէպի կայարան տանող բարձունքի վրայ դրուած է մեծ Ստալինի արձանը: Ամբողջ շինարարութեան վրայ մինչեւ այժմ ծախսուած է մօտ մէկուկէս միլիոն ռուբլի:

Մանկական երկաթուղու շինարարութեանը զուգընթաց մենք լուծեցինք նաեւ պատանի երկաթուղային կադրերի պատրաստման գործը: Երեւանի երկաթուղային տեփուղի պետի տեղակալ ընկեր Յ. Առաքելեանի օգնութեամբ յատուկ դասընթացներում սովորել ու գերազանց գնահատականով աւարտել են 112 պատանի մեքենավարներ, կայարանապետներ, կայարանի հերթապահներ, սլաքաւորներ, հեռագրիչներ:

Պատանի երկաթուղայիներն իրենց փրաքթիք ուսուցումն անցել են Երեւանի եւ Լենինականի երկաթուղային տեփուղներում: Փորձի փոխանակման կարգով նրանք ուսումնասիրել են Թալիսիի մանկական երկաթուղու աշխատանքը: Այժմ նրանք ինքնուրոյն կերպով կարողանում են ղեկավարել գնացքը, կատարել երթեւեկութեան համար պահանջուող անհրաժեշտ աշխատանքը:

Սրանով, ի հարկէ, չի վերջանում մանկական երկաթուղու, ինչպէս նաեւ փարքի շինարարութիւնը: Մանկական հանգստի եւ կուլտուրայի փարքն ու երկաթուղին ունեն գարգացման լայն հեռանկարներ:

1938 թուի սկզբներից սկսուելու է երկրորդ հերթի շինարարութիւնը: Ըստ նախագծի, երկաթուղին Չանգուի վրայ կառուցուելիք կամրջի վրայով անցնելու է գետի միւս ափը

եւ կտրելու է Նորից մէկ եւ կէս քիլոմէթր տարածութիւն, իսկ հետագայում մանկական գնացքը զառիվեր կը բարձրանայ «Փուկիքուկներով» Ծիծեռնակաբերդ կոչուող բլրի գագաթը:

Հանգստի փարքը ընդարձակուելու է եւ բռնելու է 7 հեկտար տարածութիւն: Այդտեղ կառուցուելու է ամառային կինօ, թատրոն, լողարաններ, շտապ օգնութեան կայան, մեծ գրադարան-ընթերցարան: Փարքը կ'ունենայ նաեւ իր առանձին հիտրոկայանը եւ այլն: Այսպիսով՝ Երեւանի փիոնրներն ու դպրոցականները կ'ունենան արդէն գեղեցիկ, ընդարձակ ու ամեն տեսակ յարմարութիւններով մանկական հանգստի եւ կուլտուրայի մի հարուստ փարք:

Այսօր Երեւանի բազմահազար երեխաների, եղբայրական Վրաստանի եւ Ատրալեճանի պատանեկութեան ներկայացուցիչների մասնակցութեամբ տեղի կ'ունենայ մանկական փարքի եւ երկաթուղու առաջին հերթի հանդիսաւոր բացումը: Այդ մեր կուսակցութեան եւ կառավարութեան լաւագոյն նուէրն է մայրաքաղաքի ստալինեան մատաղ սերնդին:

Նկարիչ Հենրիկ Գարուկեան. «Այգին աւանդաբար կը համարուէր կոնդեցիներու հանգիստի վայրը»

1980-ականներուն Մանկական երկաթուղիին տնօրէնը մասնագիտութեամբ դերասան Ղազարոս Ներսիսեանն էր: Որպէս դերասան գրեթէ հանդէս չէր գար, իսկ Էութեամբ գերազանց կազմակերպիչ էր: Մինչ Մանկական երկաթուղիի տնօրէն դառնալը ան Մշակոյթի երրորդ տան տնօրէնն էր: Թեւեւ այդ Մշակոյթի տունը բաւականին աննկատ էր դուրսէն, ներսէն կեանքը «կ'եռար»: Այն ուներ երաժշտական դպրոց, երգչախումբ, ելոյթ կ'ունենային Ռաիսա Սկրտչեանը, Ռուպերթ Ամիրխանեանը...

Ես նոյնպէս կ'աշխատէի այդ Մշակոյթի տան մէջ, Ղազարոս Ներսիսեանի հետ լաւ ընկերներ էիք ու երբ ան Մանկական երկաթուղիի տնօրէն նշանակուեցան, առաջարկեց որ տեղափոխուեմ այնտեղ՝ որպէս գեղարուեստական մասի վարիչ: Մեր նպատակն էր «աշխուժացնել», նոր շունչ հաղորդել մանկական երկաթուղիին, որ աստիճանաբար կը կորսնցնէր իր արդիականութիւնը՝ բացուած էր մեթոս, եւ երեխաներուն գնացք նստելու ցանկութիւնը յաճախ կը բաւարարէին վերջինիս միջոցով:

Մանկական երկաթուղիի այգին աւանդաբար կը համարուէր կոնդեցիներու հանգիստի վայրը եւ մեզ բաւականին լարուած ընդունեցին, սակայն որոշ ժամանակ յետոյ ամեն ինչ հարթուեցաւ: Այդ տարիներուն այգի գրեթէ ոչ կու գար, գնացքն ալ հազուադէպ տեղէն կը շարժէր:

Տարածքին մէջ փոքր մարզադաշտ կար, ուր ֆուլպոլ կը խաղային նաեւ խուլ եւ համրերու դպրոցի երեխաները: Տարօրինակ զգացողութիւն էր՝ խաղի ժամանակ կը լսուէր միայն գնդակին ձայնը:

Մեր խումբը բաղկացած էր 5 հոգիէ: Ամեն առաւօտ ծառայողական փոխադրակառքով կ'երթայինք աշխատանքի, իսկ «գրասենեակի» դերով հանդէս կու գար քարէ տնակ մը: Ձմրան օրերուն բաւականին ձանձրալի էր ամբողջ օրը անցընել այնտեղ, չնայած որ ամբողջութեամբ ձիւնածածկ տարածքը շատ գեղեցիկ էր:

Այդ տարիներուն այգիին մէջ այնքան ընկուզէի կար, որ ցերեկը ճիւղերուն տակ մութ կ'ըլլար:

Ամրան ընթացքին կեանքը կ'աշխուժանար՝ անապահով ընտանիքներէ երեխաներու համար կը կազմակերպուէր ամառային ճամբար: Իւրաքանչիւր առաւօտ 50-100 երեխայ կու գար Մանկական երկաթուղիի այգի, ուր անոնք կը խաղային, կը սնուէին, կը զբօսէին:



90-ականներուն այգին անցաւ Ներքին գործերու նախարարութեան ենթակայութեան տակ: Վանօ Սիրադեղեանի նախաձեռնութեամբ տարածքին մէջ տեղի ունեցաւ քանդակի հանդիսութիւն: Սօտ երկու ամիս այնտեղ քանդակագործներ կ'աշխատէին, իսկ վերջաւորութեան պատրաստի աշխատանքը կը Նուիրին այգիին: Քանդակ մըն ալ՝ յովազի պտուկերով, պատրաստուեցաւ փապուղիի վերեւը՝ ժայռերուն մէջ:

Խորհրդային ժամանակ երկաթուղին անվճար էր

Խորհրդային տարիներուն գնացքը կ'աշխատէր նոյնիսկ ձմրան՝ կային յատուկ ձմեռային վակոններ: Այդ ժամանակ «տոմս» հասկացութիւն չկար, երկաթուղին անվճար էր:

Մանկական երկաթուղին վերանորոգուած

Մանկական երկաթուղիի եւ յարակից այգիի սեփականատէրերն են Սամուել եւ Արմէն Գերգեանները: Մանկական երկաթուղին կ'աշխատի ամէն օր, առանց հանգստեան օրերու, ժամը 10:00-էն մինչեւ վերջին այցելուն: Գնացքի մեկնումի եւ ժամանման յստակ ժամանակացոյց չկայ: Ուղեւորութիւնը կը տեւէ 15 վայրկեան, որու ընթացքին այն կ'անցնի երկու կայարաններու մօտով՝ «Ուրախութիւն» եւ «Փիոներական»:

Կը նախատեսուի իրականացնել կայարանի շէնքի համալիր վերանորոգում: «Հարակովկասեան երկաթուղի» ընկերութեան նախաձեռնութեամբ իրականացուած են կայարաններու, շարժակազմի եւ գիծերու վերականգնման եւ արդիականացման աշխատանքները:

Ամբողջութեամբ վերանորոգուած են շոգեքարշը եւ ջերմաքարշը, երեք ամառնային վակոնները: Մանկական երկաթուղիին անվտանգութիւնը ապահովուած է:

www.mediamax.am
«Երեւան. XX դար»

ԱՐԱՐԱՏ ԳԼԽԱՎՈՐ ԳԵՂԱՆԵՐ

ԼԻՔՆԱՆԻ Գ. ՂԱՍԱԿԱՐԳԻ ԱՆՈՅՅԱՆՈՒԹՅՈՒՆ Յ.Մ.Մ. ՄՆԱՑ ՂԱՍԱԿԱՐԳԻՆ ՄԵԶ

Լիքնանի ֆութպոլի երրորդ դասակարգի ախոյեանությունն ավարտին, որոշելու համար այն չորս խումբերը, որոնք հրաժեշտ պիտի տան դասակարգին, տեղի ունեցավ առաջին մրցումը՝ Ա. խմբակի 5-րդ դիրքը գրաված



«Ջարուֆ»ի եւ Դ. խմբակի 6-րդ դիրքը գրաված «Յ.Մ.Մ.»-ի միջեւ, «Ալ Ահլու»ի մարզադաշտին վրայ: Յամառ պայքարով յատկանշուած մրցումին ժամանակը ավարտեցավ առանց կոլերու եւ «Յ.Մ.Մ.» յաղթանակ տարաւ տուգանային հարուածներու 5-4 արդիւնքով: Կը շնորհաւորենք մեր սիրելի «Յ.Մ.Մ.»ի մարզիկները, մարզիչները եւ պատասխանատուները այս արդիւնքին համար եւ բարի երթ կը մաղթենք խումբին:

Ստորեւ տեսնել արձանագրուած արդիւնքը.

- Ջարուֆ - Յ.Մ.Մ. 0-0 տուգ. 4-5

ԱՇԽԱՐՀԻ ԲԱԺԱԿԻ ՀԱՐԱՎԱՅԻՆ ԱՄԵՐԻԿԱՅԻ 15-ՐԴ ՀԱՆԳՐՈՒՄ

ՓԵՐՈՒ ԳՐԱԽԵՑ 4-ՐԴ ԴԻՐԸ

Աշխարհի ֆութպոլի բաժակի Հարավային Ամերիկայի գոտիի գտումի 15-րդ հանգրուանի վերջին մրցումներուն արձանագրուեցան հետեւեալ արդիւնքները.

- Գոլումպիա - Փերու 0-1

- Վենեզուելա - Պոլիվիա 4-1



Այս հանգրուանի հետաքրքրական մրցումի մը ընթացքին, 5-րդ դիրքը գրաւող Փերուի հաւաքականը, որ վերելք կ'արձանագրէ, իր դաշտէն դուրս մրցեցաւ 4-րդ դիրքը գրաւող Գոլումպիայի հաւաքականին դէմ: Գոլումպիա ուներ տարածքային առաւելութիւն, որ հասաւ 69 առ հարիւրի, սակայն դիպուկ հարուածի առիթները քիչ էին՝ 2 Գոլումպիա - 1 Փերու: Մրցումի 85-րդ վայրկեանին, ԱՄՆ-ի «Տի Սի Եունայթըտ»ի կիսապաշտպան փոխարինող Էտիսըն Ֆլորէս նշանակեց Փերուի կողմ, Զուեվայի փոխանցումէն օգտուելով: Փերու տարաւ կարեւոր յաղթանակ մը եւ գրաւեց 4-րդ դիրքը: Իսկ 10-րդ դիրքը գրաւող Վենեզուելան տարաւ իր 3-րդ յաղթանակը, երբ իր դաշտին վրայ յաղթեց 8-րդ դիրքը գրաւող Պիլիվիային:

Դասաւորում. 1) Պրագիլ 14 մ 36 կետ 28-5, 2) Արժանթին 14 մ 32 կետ 22-7, 3) Էքուատոր 24 կետ 24-14, 4) Փերու 20 կետ 16-20, 5) Ուրուկուէլ 19 կետ 15-21, 6) Գոլումպիա 17 կետ 16-18

Ութարկուներ. 1) Մ. Մարթինս-Պոլիվիա 9 կոլ, 2) Նեյմար-Պրագիլ 7 կոլ, 3) Լաուրաթո Մարթինս-Արժանթին 6 կոլ

ՖՐԱՆՍԱՅԻ ԲԱԺԱԿԻ 1/8-ՐԴ ԱՄԻՐՏԱԿԱՆ ՄԱՐՍԷՅ ԵՒ ՆԱՆՔ ՅԱՂԹԱԿԱՆ

Ֆրանսայի ֆութպոլի բաժակի վերջին 16 խումբերու հանգրուանի մրցումներուն արձանագրուած են հետեւեալ արդիւնքները.

- Նանթ (Ա.) - Պրետը (Ա.) 2-0

- Նանսի (Բ.) - Ամիան (Բ.) 0-2

- Թուլուզ (Բ.) - Վերսայ (Դ.) 0-1

- Ռեմս (Ա.) - Պարիս (Բ.) 1-1 տուգ. 3-5

- Օլիմպիք Մարսէյ (Ա.) - Մոնպելիէ (Ա.) 1-1 տուգ. 5-4

Այս հանգրուանի հետաքրքրական մրցումի մը ընթացքին, 3-րդ դիրքը գրաւող «Օլիմպիք Մարսէյ»ը իր դաշտին վրայ մրցեցաւ 6-րդ դիրքը գրաւող «Մոնպելիէ»ի դէմ: Մրցումին հիմնական ժամանակը ավարտեցաւ հաւասարութեամբ: 74-րդ վայրկեանին «Մարսէյ»ի կողմ նշանակեց լեի Միլիք: Իսկ «Մոնպելիէ» հաւասարեցուց 80-րդ վայրկեանին, քոնկոցի Մաքուանայի միջոցով: Ըստ մրցաշարքի օրէնքին, դիմուեցաւ տուգանային հարուածներու եւ «Մարսէյ» յաղթանակ տարաւ: Երկրորդ դասակարգի «Պարիս»-ն տուգանային հարուածներով դուրս ձգեց առաջին դասակարգի «Ռեմս»ը: Իսկ Միշէլ Տեր Չաքարեանի արագած՝ 13-րդ դիրքը գրաւող «Պրետ»ը իր դաշտէն դուրս գիշեցաւ 9-րդ դիրքը գրաւող «Նանթ»ին ու դուրս մնաց պայքարէն:

ՓՈՐՐՈՐԿԱԼԻ ԼԻԿԱՅԻ ԲԱԺԱԿԻ ԱՄԻՐՏԱԿԱՆ ՍՓՈՐԹԻՆԿ ՇԱՅԵՑԱՒ ՏԻՏՂՈՍԸ

Փորթուկալի ֆութպոլի Լիկայի բաժակի ավարտական մրցումը տեղի ունեցաւ 2-րդ դիրքը գրաւող Լիգայոնի «Սփորթինկ»ին եւ 3-րդ դիրքը գրաւող «Պենֆիլթա»ի միջեւ, Լեյրիա քաղաքի մարզադաշտին վրայ: Առաջին կիսախաղին արդիւնաւետ էր «Պենֆիլթա»-ն եւ 22-րդ վայրկեանին, պրագիլի յարձակող Էվորթըն Նշանակեց «Պենֆիլթա»ի կողմ, Ալեքս Կրիմալտոյի փոխանցումով: Երկրորդ կիսախաղին աշխուժացաւ «Սփորթինկ»ի յառաջապահ օղակը: 49-րդ վայրկեանին Կոնսալսո Ինսասիո հաւասարեցուց հաշիւը, Փապլո Սարապիայի փոխանցումով: Իսկ 78-րդ վայրկ-



եանին սպանացի կիսապաշտպան Փապլո Սարապիա նշանակեց «Սփորթինկ»ի երկրորդ կողմ, Փետրո Փորրոյի փոխանցումէն օգտուելով: «Սփորթինկ» տարաւ արժանի յաղթանակ մը եւ շահեցաւ իր 4-րդ տիտղոսը: Ստորեւ տեսնել արձանագրուած արդիւնքը.

- Պենֆիլթա - Սփորթինկ Լիգայոն 1-2

Մրցաշարքը սկսած է 2007 թուականին: Անոր կը մասնակցին Փորթուկալի ֆութպոլի լիկայի երկու դասակարգի անդամ 36 ակումբներ: Տիտղոսը շահած են «Պենֆիլթա» 7 անգամ, «Սփորթինկ Լիգայոն»՝ 4 անգամ, «Սփորթինկ Պրակա»՝ 2 անգամ, «Վիթորիա Սեթուպալ» եւ «Մորեյրենսէ»՝ մեկական անգամ: «Փորթո» 4 անգամ հասած է ավարտական:

ՍԿՈՎՏԻՈՑ ԱՆՈՅՅԱՆՈՒԹԵԱՆ 24-ՐԴ ՀԱՆԳՐՈՒՄ ՌԵՅՆՃՐԸ ԿԵՏ ԿՈՐԱՆՑՈՒՑ

Սկովտիոյ ֆութպոլի ախոյեանութեան 24-րդ հանգրուանի մրցումներուն արձանագրուած են հետեւեալ արդիւնքները.

- Ռոս Զաունթի - Ռեյնըրդ 3-3

- Սելթիք - Տանտի Եուն. 1-0

- Հարց աֆ Միտլոթիլըն - Մատըրուէլ 2-0

Այս հանգրուանին առաջատար «Ռեյնըրդ» իր դաշտէն դուրս մրցեցաւ 10-րդ դիրքը գրաւող «Ռոս Զաունթի»-ի դէմ եւ մրցումը ավարտեցաւ 6 կոլոց հաւասարութեամբ: «Ռոս Զաունթի» հաւասարութեան կողմ նշանակեց 90+6-րդ վայրկեանին: Իսկ 2-րդ դիրքը գրաւող «Սելթիք» մօտեցաւ առաջատարին, իր դաշտին վրայ յաղթել ետը 7-րդ դիրքը գրաւող «Տանտի Եունայթըտ»ին:

Դասաւորում. 1) Ռեյնըրդ 56 կետ 48-18, 2) Սելթիք 54 կետ 47-13, 3) Հարց 42 կետ 34-20, 4) Մատըրուէլ 32 կետ 26-32

ԱՅՍՕՐՈՒՄԱՆ ՄՐՑՈՒՄՆԵՐՈՒ ՅԱՅՏԱԳԻՐ

ՖՐԱՆՍԱՅԻ ԲԱԺԱԿԻ 1/8-ՐԴ ԱՄԻՐՏԱԿԱՆ

22:15 Փարի Սէն Ժերմէն (1) - Նիս (2)

ՓՈՐՐՈՐԿԱԼԻ ԱՆՈՅՅԱՆՈՒԹԵԱՆ 20-ՐԴ ՀԱՆԳՐՈՒՄ

21:00 Եսթրիլ (7) - Փաշու Տէ Ֆերրէյրա (12)

ՊԱՍՔԵՐՊՈԼԻ ԵՆ.ՊԻ.ԷՏ.-Ի ԱՆՈՅՅԱՆՈՒԹՅՈՒՆ

02:30 Պոսթըն Սելթիքս (9) - Մայամի Յիթ (1)

03:00 Հիւսթըն Ռոքեթ (15) - Կոլտըն Սթըյը Ուորիըրզ (2)

ԹԵՆԻՍԻ ՄՈՆՓԵԼԻԷԻ ՄՐՑ. 1/16-ՐԴ ԱՄԻՐՏԱԿԱՆ

12:00-Էն սկսեալ, «beinsports» կայանէն

ԹԵՆԻՍ

ԱՄԵՐԻԿԱՆՑ ԲԱՑ ՄՐՑԱԾԱՐԸ

ՆԱՏԱԼ ՇԱՅԵՑԱՒ ՏԻՏՂՈՍԸ

Աւստրալիոյ Մելպըրն քաղաքի մարզադաշտէն տեղի ունեցաւ վրայ շարունակուեցան այս տարուան առաջին 2000 կետոց «Մեծ Սաղաւարտ»ի մրցաշարքի մրցումները:



Տղոց մրցաշարքի քառորդ ավարտական հանգրուանին արձանագրուեցան հետեւեալ արդիւնքները.

Մ. Պերրէթթիսի (7) - Կ. Մոնֆիս (17) 6-4, 6-4, 3-6, 3-6, 6-2

Ռ. Նատալ (6) - Շ. Շափովալով (14) 6-3, 6-4, 4-6, 3-6, 6-3

Ս. Մետվետե (2) - Ֆ. Օմէ-Ալիասիմ (9) 6-7 թպ 4-7, 3-6, 7-6 թպ 7-2, 7-5, 6-4

Ս. Ֆիցիփաս (4) - Ե. Սինըր (11) 6-3, 6-4, 6-2

Կիսաւարտական հանգրուանին արձանագրուեցան հետեւեալ արդիւնքները.

Ս. Մետվետե (2) - Ս. Ֆիցիփաս (4) 7-6 թպ 7-5, 4-6, 6-4, 6-1

Ռ. Նատալ (6) - Մ. Պերրէթթիսի (7) 6-3, 6-2, 3-6, 6-3

Աւարտական մրցումին արձանագրուեցաւ հետեւեալ արդիւնքը.


Ռ. Նատալ (6) - Ս. Մետվետե (2) 2-6, 6-7 թպ 5-7, 6-4, 6-4, 7-5

Թիւ 6 դասուած սպանացի Ռաֆայէլ Նատալ շահեցաւ տիտղոսը, յաղթել ետը թիւ 2 դասուած ռուս Տանիլ Մետվետեիկն: Այս մէկը Նատալի 21-րդ «Մեծ սաղաւարտ»ի տիտղոսն էր:

ՊԵԼՃԻՔԱՅԻ 26-ԱՄԵԱՅ ՊԱՇՏՊԱՆԸ ՄԻԱՑԱԾ Է «ԱՐԱՐԱՏ-ԱՐՄԵՆԻԱ»-ԻՆ

Երեւանի «Արարատ-Արմենիա» ակումբին միացած է 26-ամեայ պեճիքացի պաշտպան Թիպո Լեսքուան:

Մինչ «Արարատ-Արմենիա» տեղափոխուելը Լեսքուան հանդէս եկած է հոլանտական «Ալմերէ Սիթի» ֆութպոլ-



լային ակումբէն, որու կազմին մէջ կատարած է 40 խաղ եւ դարձած է 4 կոլային փոխանցման հեղինակ

Լեսքուան հանդէս եկած է Նաեւ պեճիքական «Վիրթոս» ֆութպոլային ակումբէն՝ 88 խաղ, 2 կոլ, Լիքսեմպուրկի «Տիւտելանս» ֆութպոլային ակումբէն՝ 23 խաղ, 3 կոլային փոխանցում: Մասնակցած է Եւրոպայի Լիկայի 2019/20 թուականի խաղարկութեան խմբային փուլի 5 խաղերու:

Հայաստանի ֆութպոլի առաջնութեան ձմեռնային հատուածը ավարտած է: Առաջատարը «Արարատ-Արմենիա»-ն է, որն ունի 40 միաւոր: 32 միաւորով երկրորդ տեղն է «Փիւնիկ»-ը: Եռեակը կ'եզրափակէ «Արարատ»-ը (30 միաւոր): 4-րդ տեղը կը գրաւէ «Նոայ»-ն (22 միաւոր), 5-րդը՝ «Ալաշկերտ»-ը (21 միաւոր), «Ուրարտու»-ն 6-րդն է (16 միաւոր): Մրցաշարային աղիւսակի յետամասը կը գտնուին «Վան»-ը (11 միաւոր), «ՆորաՎանք»-ը (9 միաւոր) եւ ԲԿՄԱ-ն (6 միաւոր): Հայաստանի ֆութպոլի առաջնութեան երկրորդ շրջանը պիտի սկսի Փետրուարին:

ՄԻՒՌՈՆՕՐՅՆԷՐ

ԱՆԹԻԼԻԱՄԻ ՄԱՅՐԱԿԱՆԵՐԻՆ ՄԵՉ

ՄԻՒՌՈՆՕՐՇՆԷՐ

ԱՆԹԻԼԻԱՄԻ ՄԱՅՐԱԿԱՆԵՐԻՆ ՄԵՉ

ԶԵՆԱՄԲ՝

Ն.Ս.Օ.Տ.Տ. ԱՐԱՄ Ա.

ՎԵՐԱՓԱՐ ՀԱՅՐԱՊԵՏԻՆ



Այսու կը ծանուցենք մեր ժողովուրդի սիրելի զաւակներուն, թէ 2022 թուականի Յուլիս 1-ին, Ուրբաթ, ձեռամբ Սուրբ Աթոռոյ Սրբազնագոյն Կաթողիկոսին՝ Ն.Ս.Օ.Տ.Տ. Արամ Ա. Վեհափառ Հայրապետին, Մեծի Տանն Կիլիկիոյ Կաթողիկոսութեան Հայրապետական Նստավայր Ամթիլասի Մայրավանքին մէջ տեղի պիտի ունենայ ՍՐԲԱԼՈՅՍ ՄԻՒՌՈՆԻ ՕՐՅՆՈՒԹԻՒՆ:

ՄՈՅԻԱԼԻԶՄ

(Շարունակուած Բ. էջէն)

Այս տարբերակի հետ մէկտեղ զալիս է մէկ այլ տարբերակ՝ սոցիալիստական կուսակցութիւն եւ ազգային/հայրենասիրական, եւ միջազգային, որը համերաշխ է ինչպէս հայրենիքի պայքարին, այնպէս էլ բոլոր արդար գործին, համերաշխ մարդկութեան հետ (Սոցիալ-դեմոկրատ հնչակեան կուսակցութիւնը օրինակ է):

Կան Նաեւ մի քանի այլ ծայրայեղ աջ շարժումներ, որոնք նոյնպէս կրում են սոցիալիստական կարգախօսներ, Գերմանիայի Նացիոնալ-սոցիալիստական բանուորական կուսակցութիւնը նոյնպէս կոչ է արել սոցիալիզմի, բայց բացառապէս արիական ռասայի եւ գերմանացիները համար:

ԱՄՆ-ում Սպիտակ White Supremacist Կուլքլիքլիքլիք (Kukluxklan) կոչ էր անում սոցիալիզմի, որը վերահսկում է ԱՍՏՈՑ կողմից:

ARARAD DAILY NEWSPAPER

MANAGING DIRECTOR: ANI SARAFIAN

Tel.-Fax: 01-565599 | P.O.Box: 175275 Mar Mikhael

Beirut | Lebanon | www.araraddaily.com

email: araradoratert@gmail.com

ارارات جريدة سياسية يومية أرمنية | المجبرة المسؤولة: اني صرافيان

تصدر عن شركة مسيس للناشر والشر (ش.م.م.)